

在不知耳吾子夷其神澹其慮迫而後出出而
於於毀幾及焉而不以震譽駢集焉而不以喜
豈不擇步而泰哉其有所知者早也我字止者
將以求乎止也而惘惘焉垂老矣將求之於子
居乎問止於子乎居之左介我嘗私顏曰養喜
齋亦求知之意也別有記

北海亭記

有亭巋然在江村草堂之後而知止居之旁覆

以茨塗以堊棟柱榱楹以及薄櫨宋櫛靡不出
弱不中程櫨櫨以爲垣僅僅蔽風雨而長江大
河之南北靡不仰而頌曰此北海亭也於是茅
子記之曰茲亭也創於侍御公以之誨伯順伯
順寒暑燥濕於是者三十年成進士去伯順又
以誨其子石卿石卿寒暑燥濕於是者又幾二
十年舉天啟辛酉畿內第一人當吾鄉魏子孔
時爲行人時嘗策蹇訪伯順於江村館於是時